

Oroso



Isabel Fernández, portavoz do BNG e concelleira-delegada de Mulleres, Ensino e Benestar Social no goberno de Oroso, e Marga Mejuto, responsábel local

Impreso postal sen enderezo

TRABALLANDO POLA NOSA VECIÑANZA

Constancia e responsabilidade, os sinais de identidade do BNG no goberno de Oroso

No goberno municipal de Oroso estamos a exercer **as nosas responsabilidades nas áreas de benestar social, igualdade, mulleres e ensino**, e facémolo con constancia e moito ánimo para resolver os problemas da veciñanza. E neste momento de crise sanitaria, económica e social non ía ser menos.

Traballamos tamen pola defensa do sector produtivo, do noso comercio, da nosa hostalaría, das persoas autónomas, demandando axudas que promovan a súa viabilidade, **agora máis que nunca para permitir unha verdadeira recuperación**. Xa desde o comezo da pandemia demos claros exemplos de apostarmos polos servizos públicos, defendendo e reclamando, coma sempre, unha sanidade pública de calidade, con medios e persoal suficiente. Anos de recortes e a irresponsabilidade do Partido Popular deixaron de manifesto as súas carencias, no momento que máis precisabamos dela.

.....
A nosa prioridade:
a economía, o
emprego e a
cohesión social



Isabel Fernández, portavoz do BNG e concelleira-delegada de Mulleres, Ensino e Benestar Social no goberno de Oroso, e Marga Mejuto, responsábel local, e, o vice-responsábel, Agustín Raña

Tres anos traballando para mellorar os servizos sociais e educativos da veciñanza de Oroso.

Durante estes tres últimos anos, o labor de **Isabel Fernández**, portavoz do BNG e **concelleira-delegada da Área de Mulleres, Ensino e Benestar Social** do Concello de Oroso, foi constante e tenaz.

En todos os ámbitos, o BNG, estivo a defender as demandas e necesidades da veciñanza. Unha obriga que transformamos en responsabilidade, compromiso e ilusión, o cal nos permite que todo este esforzo vaia culminando na consecución do recollido no noso programa electoral de obxectivos e melloras prometidas polo BNG.

Lideramos diferentes iniciativas que poñen enriba da mesa a problemática real da nosa xente. Cuestións coma a suba de prezos, tarifa eléctrica galega, as peaxes da autoestrada, o prezo do leite, a defensa do sector agropecuario... avalan o noso compromiso.

Do mesmo xeito, estamos a tecer as bases que permitan mellorar e optimizar os servizos sociais e educativos do noso concello, de tal maneira que sexan un referente para o futuro.

Unha tarefa constante levada a cabo polo equipo de traballo do BNG de Oroso, un equipo liderado pola portavoz municipal e concelleira-delegada no goberno local, **Isabel Fernández**; pola responsábel local do BNG, **Marga Mejuto** e, o vice-responsábel, **Agustín Raña**.

Un BNG que escoita a veciñanza e traballa polas súas demandas

Reunións periódicas coas diferentes asociacións sociais, económicas, culturais e educativas do concello, co fin de darlle en cada caso, **solucións ás necesidades específicas da nosa veciñanza**



Un BNG en feminino

Fomentamos o incremento da implicación social e presenza activa das mulleres no noso Concello. Do mesmo xeito, promovemos unha **política a prol da igualdade e a integración social**, favorecendo medidas de conciliación e a corresponsabilidade da vida persoal, laboral e familiar.



Un BNG socialmente comprometido

O BNG de Oroso é parte activa das reclamacións e defensa dos servizos e emprego da nosa contorna.

A través da **concelleira de Mulleres, Ensino e Benestar Social** puxéronse en marcha diferentes axudas de emerxencia social para colectivos en risco de exclusión e melloráronse os servizos de atención social.:

- **45 tarxetas** para mercar alimentos,
- **38 bolsas de estudos**,
- **4 emerxencias** (alugueiros, auga, luz...),
- **5.352 axudas** realizadas / citas atendidas.



Un BNG coa educación e o ensino

Mantemos un **diálogo continuo coa comunidade educativa** do Concello. Froito deste compromiso, puxéronse en marcha medidas que promoven que as nosas fillas e fillos poidan quedar a estudar no Concello (campañas de matriculación, sistema municipal de bolsas de estudo...). **O ensino é un eixe primordial para o BNG de Oroso:** do noso traballo municipal, promovendo nestes últimos anos nos centros obras de teatro (4), contacontos (20), doce obradoiros, un auto-cine, un filme e dous documentais. Temos promovido charlas para evitar as agresións sexuais e para evitar o suicidio. Presentando máis dunha ducia de libros, realizando roteiros literarios e históricos, así como programando case 50 cursos na Aula Mentor. Ademais de poñer en marcha o Consello Escolar Municipal.



Un BNG cumprindo coa mellora das infraestruturas educativas

Atendemos nestes tres anos as problemáticas diarias nos diferentes **Centros Rurais Agrupados (CRA) de Oroso**, mellorando e arraxando as instalación con distintas obras.

En **Villarromarís**, colocamos unha varanda na escaleira, arraxamos o muro da entrada e colocamos as redes de porterías e tenis.

No colexio da **Senra**, arraxamos ventás, colocouse a cancela da entrada, realizamos a protección do parque e colocáronse dous elementos novos no parque, reforzouse a súa seguridade, ademais de pintar o banco LGBT.

En **Deixebre**, pintáronse as aulas, arraxouse a instalación eléctrica, colocouse un baño novo e acondicionouse a aula. Ademais fíxose a protección do parque e colocáronse tres elementos novos.

O CRA de **Vilacide** recibiu o pintado de aulas, o arranxo de baixantes e a reparación dos baños.

No Colexio Rural de **Trasmonte** pintáronse as aulas, arraxouse o tellado e colocáronse redes nas porterías. Ademais fíxose a protección do parque, colocáronse dous elementos e un banco LGBT.

No colexio de educación infantil e de primaria **Camión Inglés**, pintouse a pista polideportiva e construíuse un almacén.

No CEIPP de **Sigüeiro** pintáronse as aulas, cambiouse a cuberta do patio Tres e o enreixado entre os patios de infantil e primaria, ademais de reparar as cancelas de entrada.

Finalmente, na **escola infantil da Ulloa** realizouse o pintado exterior.



Como as abellas: traballamos para facer con mel un Oroso mellor

Coa cultura!



Defendendo a nosa lingua



Transparencia no noso traballo



Prezo do leite xusto!



Posta en marcha do Consello Escolar Municipal

Un ensino de calidade



Defendendo o agro e a gandaría!

Pelexando por unha tarifa eléctrica xusta!



Loitando GZ!

Levando a cabo accións contra a suba dos prezos



Melloras nos centros de ensino



Adaptando horarios do comedor no CEIP



IVE xusto para as perruquerías



Apoiando ao noso medio rural

GAÑAR



Igualdade

Contra a violencia de xénero

Defendendo os dereitos do colectivo LGBT

Obradoiros educativos



UNHA NOVA GALIZ A!

Prevención do suicidio



Cursos de defensa





Iria Carreira, deputada do BNG no Parlamento galego, Isabel Fernández, portavoz do BNG e concelleira-delegada de Mulleres, Ensino e Benestar Social no goberno de Oroso, e Marga Mejuto, responsábel local.

Xestionando diante das administracións para resolver os problemas de Oroso

Isabel Fernández, un motor da xestión municipal das áreas do BNG

Nos últimos meses a portavoz municipal e concelleira-delegada de Mulleres, Benestar Social e Ensino, **Isabel Fernández**, xunto coa responsábel local, **Marga Mejuto**, tiveron reunións de traballo con representantes do BNG no Congreso, no Parlamento galego e na do goberno da Deputación da Coruña, para xestionar e resolver dunha forma máis directa as necesidades do noso concello.

O deputado do BNG no Congreso, **Néstor Rego**, recibiu na súa visita a Oroso as emendas que o BNG presentou no concello aos orzamentos do Estado, tales como a gratuidade da AP-9 no tramo Sigüeiro-Santiago de Compostela. Á parte, acudiron á antiga estación de Vilacide para comprobar o estado de abandono no que se atopa por parte de ADIF do goberno do Estado, co fin de demandar o urxente arranxo das súas instalacións, así como a cesión do seu almacén para uso municipal.

A deputada do BNG no Parlamento galego, **Iria Carreira**, desprazouse a Oroso para coñecer en primeira persoa e de forma máis directa as necesidades do noso concello, e presentar emendas aos orzamentos da Xunta de Galiza, demandando

- Abrir un Centro de Día público no noso concello.
- Converter a pista cuberta do Colexio do Camiño Inglés nun pequeno pavillón.
- Cubrir o patio no IES do Instituto de Secundaria de Oroso.
- Dotar dunha depuradora de augas residuais (EDAR) a urbanización de Porto Avieira e ampliar a de Sigüeiro.

O PP, sen abandonar o seu desprezo polas necesidades dos concellos, fixo ouvidos xordos a estas demandas en Oroso.



Traballando coa Deputación da Coruña a prol das necesidades da veciñanza de Oroso

A portavoz municipal, **Isabel Fernández**, entrevistouse tamén en Oroso coa deputada do BNG e Delegada Especial de Políticas de Igualdade e Normalización Lingüística no goberno da Deputación da Coruña, **María Muíño** e co tamén deputado do BNG e Delegado de Contratación, Patrimonio Provincial e Equipamento, **Xosé Luís Penas**, coa finalidade de interesarse e apoiar a quen lles transmitiu as necesidades da veciñanza de Oroso e demandou apoio ás iniciativas que se desenvolven nas áreas municipais de Mulleres, Benestar Social e Ensino.



8-M en Oroso

"Hai que apurar o paso, está indo demasiado lento e estamos fartas de ter que saír á rúa ano tras ano pedindo o que por dereito nos pertence, queremos os nosos dereitos e queremoslos xa", manifestou **Isabel Fernández, concelleira de Mulleres, Ensino, Benestar Social e Normalización Lingüística**.



Vídeo.
Rosalía de Castro
#23deFebreiro
#DíadeRosalía



Isabel Fernández, portavoz do BNG e concelleira no goberno de Oroso.



AP-9 GALEGA E SEN PEAXES Reclamamos do goberno do Estado a gratuidade Sigüeiro-Santiago da AP-9

Grazas ao traballo do deputado do BNG no Congreso, **Néstor Rego**, conseguíronse rebaixas nas peaxes da AP-9 e demandouse a **gratuidade do tramo Sigüeiro-Santiago**. Porén, a nosa prioridade pasa por seguir loitando pola gratuidade da autoestrada.

Cómpre rematar coa estafa legalizada que supoñen as peaxes da AP-9 e tamén co constante agravio ao noso País que implica que teñamos unha das autoestradas máis caras do Estado.

Ademais, o BNG de Oroso analizou polo miúdo todos os factores relacionados co anuncio da futura construción dunha circunvalación de Sigüeiro, tales como o para valorar o crecemento do polígono industrial de Oroso e o das empresas situadas nel, así como os postos de emprego que se poidan crear.



20 de outubro de 2008. Sinatura do 1º convenio para a creación da Vía Verde con Elvira Cienfuegos e Xosé M. Pérez do BNG

Un pouco de memoria A Vía Verde e as sendas peonís teñen a marca do BNG na xestión municipal

Ás veces resulta necesario lembrar traballos feitos no pasado que agora son froitos do presente e que algunha xente, de maneira interesada, esquecen. O BNG xa estaba a pór a semente para a creación da **Vía Verde**, a través do traballo de cando **Elvira Cienfuegos, concelleira do goberno de Santiago de Compostela desde Santiago**, e **Xosé M. Pérez, no goberno municipal de Oroso**, traballaban con esta finalidade e asinaron xunto cos restantes concellos, o 20 de outubro de 2008, o Convenio da 1ª fase da súa construción. Do mesmo xeito que agora con **Bouzalonga**, durante o tempo que tivemos a responsabilidades de goberno en Oroso levamos a cabo as sendas peonís de **Vilacide, Trasmonte, Porto Avieira, San Tomé, Garabanxa...** así como o inicio do saneamento nas parroquias.

ANA PONTÓN

"ÁBRESE UN NOVO ESCENARIO E O BNG QUERE LIDERAR O CAMBIO QUE GALIZA NECESITA"

Que muda en Galiza coa marcha de Feixóo a Madrid?

Acelera o cambio de escenario político, **cun BNG forte e á alza, liderando a alternativa política** e de goberno ao PP. Imos aproveitar o novo contexto para reforzar o BNG en todos os sentidos e prepararnos para dar o mellor de nós. Polo demais, Feixóo marcha agora de corpo, porque a cabeza sempre a tivo alí. Foi puro centralismo e servilismo a intereses alleos.

Este novo escenario coincide cunha crise profunda de inflación.

Exacto, si, unha crise moi importante no que **os poderes públicos deberán saír con firmeza ao rescate das familias, da economía real, das persoas e sectores máis vulnerábeis**. O que vemos é o contrario: en Galiza, un presidente ausente, e no Goberno español moita falta de valentía para tomar medidas para intervir nos prezos da luz, do gas, dos alimentos, dos servizos básicos.

O BNG vén de anunciar mobilizacións e unha campaña social ao respecto

No BNG estamos actuando con responsabilidade máxima. **Estamos a propor un decálogo de medidas urxentes e viábeis para facer fronte ao impacto da inflación nas condicións de vida da sociedade**, e estamos a explicar e denunciar as causas do que está a pasar, para chamar aos gobernos a actuar canto antes. Non valen escusas. A guerra na Ucraína afecta, por suposto, mais a suba de prezos e os problemas de fondo xa viñan de antes e nin Goberno español nin Xunta estiveron á altura nin actuaron con rapidez e firmeza.



Tamén continúan os ataques de PP e PSOE ao BNG.

Si, e son o mellor exemplo do nerviosismo que as forzas centralistas están a ter co BNG. Por motivos diferentes, preocúpalles constatar que o medre do BNG continúa, que **somos a forza que leva a iniciativa política e social e que lideramos a alternativa para unha grande maioría social en Galiza**. Búscannos na caricatura, mais non entramos na trampa. O que atopan é solvencia, capacidade, firmeza e ideas claras. Somos a forza política que defende os intereses de Galiza, cun proxecto que mellora as condicións de vida da maioría e que garante futuro e desenvolvemento ao noso país.

Somos a forza política que defende os intereses de Galiza

CONTACTA
CO BNG



oroso.bng.gal



oroso@bng.gal



BNGdeOroso



650 85 37 85
638 72 94 74



BNGdeOroso